

**ՅՈՎՀԱՆՆԷՍ ԹՈՎՄԱՃԱՆԵԱՆ - ԺԸ ԴԱՐԻ
ՀԱՅ ՄԱՏԵՆԱԳԻՐ
ԿԵԱՆՔԸ ԵՒ ՄԱՏԵՆԱԳՐԱԿԱՆ
ԳՈՐԾՈՒՆԷՈՒԹԻՒՆԸ**

Համառոտ կենսագրութիւնը¹.

Յովհաննէս (աւագանի անունը՝ Յարութիւն) Թովմաճանեանը ծնուել է 1717 թ. ապրիլի 22-ին, Կ. Պոլսում մաճատսի Աբրահամ ամիրա Թովմաճանեանի ընտանիքում («Տայրենեօք յերկրէն Թամգարայ»² եւ «ի Հայոց ուղղափառ ազգէ»)³: 6-7 տարեկանում սկսեց ուսում ստանալ Սամաթիայի Ս. Գէորգ եկեղեցում, իսկ 12 տարին լրանալուն պէս՝ ուսանել ակնագործութեան («ճէվահիրմութեան») արհեստը: 1732 թ., Յոբելեան տարուայ

¹ *Յովհաննէս Թովմաճանեանի կենսագրական տեղեկութիւնները հիմնականում քաղել ենք իր ինքնագիր «Պատմութիւն»-ից (տե՛ս Ս. Ղազարի Մխիթարեան մատենադարանի, ձեռ. թիւ 1688): Քանի որ Մխաբանութեան յանձնարարութեամբ հրատարակութեան ենք պատրաստել այս բնագիրը, այստեղ անդրադառնում ենք կենսագրական հիմնական տեղեկութիւններին:*

² *Հայաբնակ աւան Սեբաստիայի վիլայէթում, Շապին-Կարահիսարից հիւսիս-արեւելք, կամ այս բնակավայրի արուարձաններից մէկը (տե՛ս Հ. Ղ. Ինճի-նեան, Աշխարհագրութիւն չորից մասանց աշխարհի, Մասն առաջին, Ասիա, հտ. Ա, Վեներտիկ, 1806, էջ 326-327, Գ. Սրուանձուեանց, Վիճակագրութիւն Շապին Գարահիսարի. Թեմք, Գ. Սրուանձուեանց, Երկեր, հտ. 2, Եր., 1982, էջ 162. նախկին հրատարակութիւնը տե՛ս Դիւան Հայոց պատմութեան, գիրք ԺԳ, Թիֆլիս, 1915, էջ 529-536, նաեւ R. H. Kévorkian, P. B. Paboudjian, Les Arméniens dans l'Empire Ottoman à la veille du Génocide, Paris, 1992, p. 249):*

³ *Իմա՛ հայ կաթողիկէ: Համաձայն Կ. Պոլսում Հռոմի եկեղեցու կողմից ուղարկուած առաքելական այցելու Դաւիթ կարմելիտականի տեղեկութեան, 1700-ական թթ. առաջին քառորդում քաղաքում կային մօտ 8000 հայ կաթողիկէներ (տե՛ս G. Hofmann. Il vicariato apostolico di Constantinopoli 1453-1830. Roma, 1935, p. 23):*